



Erntedank

Die Äppel un die Quetsche
sinn ab, die Bääm sinn leer.
Die Kürbisse, die dicke,
sinn dick un ganz schää schwer.

Wo's Korn war, steh'n jetzt Stopple,
die Frucht is unner'm Dach.
Die Riewe un die Grumbeer'
sinn aa schunn ausgemach.

Die Traube in de Kelter,
wärrn ausgepresst un dann
zu Wei, an dem die Winzer
ehr großi Frääd ball hann.

Die Scheier is bis owwe
voll mit Hei un Stroh.
De Bauer is zufriede,
die Bauersfraa is froh.

So hat de Herbst a diesjohr
uns widder reich bedacht.
Mer danken unser'm Schöpfer,
weil der das so gut macht.

Günter Mannweiler

